



Broj: 01/2-30-538/2026
Breza, 24.02.2026. godine

U skladu sa članom 34. Zakona o radu Federacije Bosne i Hercegovine („Službene novine Federacije BiH“, br. 26/16, 89/18, 23/20 - odluka Ustavnog Suda, 49/21 i 44/22 – Prečišćeni tekst), te u skladu Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza, („Službeni glasnik Općine Breza“, broj: 11/15), i Pravilnika o izmjenama i dopunama pravilnika o kriterijima, postupku izbora i prijema lica za stručno osposobljavanje bez zasnivanja radnog odnosa VII stepena stručne spreme u Jedinstvenom organu uprave Općine Breza broj: 01/2-05-1072/16 od 05.05.2016. godine, broj: 01/2-05-2075/17 od 14.07.2017. godine i broj: 01/2-04-3328/2023 od 26.10.2023.godine, a na osnovu člana 39. Statuta Općine Breza („Službeni glasnik Općine Breza“, broj: 7/21), Općinski načelnik, donosi sljedeću:

ODLUKU

o prijemu lica za stručno osposobljavanje
bez zasnivanja radnog odnosa u Općini Breza u 2026. godini

Član 1. (Predmet Odluke)

(1) Ovom Odlukom regulišu se pitanja prijema lica na stručno osposobljavanje bez zasnivanja radnog odnosa u Općini Breza (u daljem tekstu: Općina) u 2026. godini, a naročito način i dinamika prijema, broj lica koji će se primiti na stručno osposobljavanje bez zasnivanja radnog odnosa, stepen i vrsta stručne spreme, opći uslovi koje kandidati moraju ispunjavati, kao i način i postupak provođenja stručnog osposobljavanja ovih lica.

Član 2. (Stručno osposobljavanje bez zasnivanja radnog odnosa)

(1) Na stručno osposobljavanje bez zasnivanja radnog odnosa može se primiti lice sa završenim fakultetom i sa završenom srednjom stručnom spremom IV stepen, a koje nije ranije zasnivalo radni odnos u zanimanju za koje se školovalo, ukoliko su za obavljanje poslova u određenom zanimanju zakonom utvrđeni kao uslovi položen stručni ispit ili prethodno radno iskustvo.

(2) Vrijeme stručnog osposobljavanja u skladu sa ovom Odlukom računa se u pripravnički staž ili u radno iskustvo utvrđeno kao uslov za rad u određenom zanimanju i može trajati najduže koliko traje pripravnički staž sa završenim fakultetom, odnosno najduže 12 mjeseci, a sa završenom srednjom stručnom spremom najduže 6 mjeseci.

Član 3.

(Finansiranje stručnog osposobljavanja)

- (1) Sredstva predviđena za troškove stručnog osposobljavanja bez zasnivanja radnog odnosa planirana su Budžetom Općine Breza za 2026. godinu.
- (2) Prijem lica može se vršiti jedinstvenim javnim oglasom ili u zavisnosti od potreba Općine Breza i raspoloživosti prostora za organizaciju stručnog osposobljavanja bez zasnivanja radnog odnosa u toku godine.

Član 4.

(Opći uslovi za prijem lica na stručno osposobljavanje, način i postupak izbora)

- (1) Lice koje se prima na stručno osposobljavanje u Općini mora da ispunjava opće uslove propisane članom 25. Zakona o državnoj službi u Federaciji Bosne i Hercegovine, kao uslov za prijem u radni odnos državnih službenika.
- (2) Prijem lica na stručno osposobljavanje bez zasnivanja radnog odnosa u Općini vrši Općinski načelnik, a na osnovu provedene konkursne procedure u skladu sa Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza broj: 01/2-05-2676/15 od 12.10.2015. godine, Pravilnika o izmjenama i dopunama pravilnika o kriterijima, postupku izbora i prijema lica za stručno osposobljavanje bez zasnivanja radnog odnosa VII stepena stručne spreme u Jedinstvenom organu uprave Općine Breza broj: 01/2-05-1072/16 od 05.05.2016. godine i broj: 01/2-05-2075/17 od 14.07.2017. godine i broj: 01/2-04-3328/2023 od 26.10.2023. godine
- (3) Sa odabranim kandidatima zaključuje se Ugovor o stručnom osposobljavanju bez zasnivanja radnog odnosa kojim se regulišu osnovna prava i obaveze lica na stručnom osposobljavanju, naročito vrijeme stručnog osposobljavanja, pravo na naknadu troškova za ishranu, te obavezno osiguranje od povrede na radu ili profesionalne bolesti u skladu sa važećim propisima penzijsko-invalidskog osiguranja, način i postupak provođenja i praćenja stručnog osposobljavanja, kao i druga prava i obaveze.

Član 5.

(Način i postupak osposobljavanja)

- (1) Svakom odabranom kandidatu sa kojim se zaključi Ugovor o stručnom osposobljavanju bez zasnivanja radnog odnosa izdat će se program stručnog osposobljavanja kojim će biti utvrđeni način, postupak i dinamika stručnog osposobljavanja u skladu sa potrebama i djelokrugom općinskih službi za upravu i posebnih službi u kojima se obavlja osposobljavanje, uvažavajući specifičnosti svakog pojedinačnog zanimanja, te način i postupak praćenja i evaluacije stručnog osposobljavanja, a obuka se ima organizovati na način da se svakom licu omogući stručno osposobljavanje i upoznavanje sa radom na različitim radnim mjestima u općinskim službama za upravu i posebnim službama, u skladu sa prirodom zanimanja za koje su stekli stručno zvanje.

- (2) Općinski načelnik će licu ili licima na stručnom osposobljavanju bez zasnivanja radnog odnosa imenovati odgovorno lice za praćenje stručnog osposobljavanja i obuke, odnosno mentora.
- (3) Mentor može da bude lice koje ima istu ili srodnu stručnu spremu i isti ili viši stepen stručne kvalifikacije kao i lice na stručnom osposobljavanju i najmanje 3 godine radnog iskustva nakon sticanja stručne spreme.

Član 6.

(Oglašavanje prijema lica za stručno osposobljavanje)

- (1) U skladu sa ovom Odlukom, nadležna općinska služba će raspisati Javni oglas za prijem lica na stručno osposobljavanje u skladu sa Pravilnikom o kriterijima, postupku izbora i prijema lica za stručno osposobljavanje bez zasnivanja radnog odnosa u Jedinstvenom općinskom organu uprave Općine Breza broj: 01/2-05-2676/15 od 12.10.2015. godine i Pravilnika o izmjenama i dopunama pravilnika o kriterijima, postupku izbora i prijema lica za stručno osposobljavanje bez zasnivanja radnog odnosa VII stepena stručne spreme u Jedinstvenom organu uprave Općine Breza broj: 01/2-05-1072/16 od 05.05.2016. godine i broj: 01/2-05-2075/17 od 14.07.2017. godine i broj: 01/2-04-3328/2023 od 26.10.2023. godine
- (2) Javni oglas iz prethodnog stava objavljuje se na oglasnoj ploči Općine Breza i na oficijelnoj internet stranici Općine Breza, sa rokom za podnošenje prijave od 15 dana od dana posljednjeg objavljivanja.

Član 7.

(Završne odredbe)

- (1) Za realizaciju ove Odluke zadužuju se Služba za finansije, inspekcijske poslove i opću upravu i Stručna služba Općinskog vijeća i Općinskog načelnika.
- (2) Ova Odluka stupa na snagu sa danom donošenja.
- (3) Ova Odluka objavit će se na oglasnim pločama u Organu, službenoj internet stranici Općine Breza i „Službenom glasniku Općine Breza“.

Dostavljeno:

1x Služba za finansije, inspekcijske poslove i opću upravu;
1x Web stranica;
1x Oglasna ploča;
1x Stručna služba OV;
1x 01/2;
1x Arhiva.

Općinski načelnik

Vedad Jusić